




1621_028.jpg



1621_029.jpg



1621_030.jpg



1621_031.jpg

Histoire de nostre temps.

31

tes des ennemis, & ce depuis Nuremberg iusques au Palatinat du Rhin, où elles entrerent par la Bergstrass, & reprirent Bensheim, Heppenheim & Vinsheim qui auoient esté reprinses sur les Espagnols (comme il a esté dit cy-dessus) par le Colonel Obertrand & Merve Gouverneur & commandant à la garnison de Heidelberg.


Le General de Tilly estant entré plus auant en pays, assiegea & prit premierement Ladem-bourg, puis Hemsbach, Schonav, Steinac & Eberbar, se faisant maistre dans le Palatinat au delà le Rhin de tous les pays appartenans à l'Electeur Palatin, qui sont entre le Mein & le Neccar, sur lequel il fit vn pont, & le passa, & logea de ses troupes dans Molsbac, qui firent plusieurs courses iusques aux enuirons de Heidelberg, où les habitans se trouuerent lors incommodés dans leur ville par leurs garnisons, & au dehors par les Bauarois. Les lettres que le General de Tilly enuoya aux Bourgmaistres & Conseillers de Heidelberg, portoient,

Que suiuant la Commission de l'Empereur donnée à son Altesse de Bauieres, & le pouuoir que son Altesse luy auoit donné, il estoit entré au Palatinat du Rhin, pour mettre les terres qu'y tenoit le Comte Palatin en l'obeyffance de sa Majesté Imperiale, comme celles que son Altesse auoit jà reduictes au haut Palatinat de Bauieres : Mais auparauant que passer plus outre en l'exécution de son pouuoir, il les auoit voulu admonester & exhorter, 1. De ne se roidir contre le iuste & equitable mande-

Eploicts du General de Tilly cōducteur de l'armee de Bauieres, au Palatinat du Rhin.

Lettres du General de Tilly aux Bourgeois-maistres & Conseillers de Heidelberg.

1621_032.jpg




32
M. DC. XXI.
ment de sa Majesté Imperiale, & n'estre eux-
mesmes la cause de leur desolation & ruine de
leur patrie. 2. Que sur l'esperance qu'il auoit
qu'ils ne faudroient à se mettre en l'obeyssan-
ce deuë; il les assureoit aussi de ne receuoir de
luy que toute bien-vueillâce, & protection, de
mesme que ceux du haut Palatinat, sans estre
aucunement troublez ny molestez de ses gens
de guerre. Et 3. Que s'ils faisoient le contrai-
re, il seroit contraint de continuer l'execution
du Ban Imperial contre l'Electeur Palatin, &
ioindre ses troupes avec celles de D. Con-
saulues de Cordoua, pour reduire par les armes
Heidelberg, & les pays du Palatin sous la puis-
sance de sa Mjesté Imperiale.

A ceste lettre les Bourgmaistres & Conseil-
lers d'Heidelberg vouloient faire responce,
mais Merve Gouverneur & chef des gens de
guerre qui y estoient en garnison, ne voulut
pas que la Bourgeoisie prist l'autorité de
faire responce en leur nom, ains la fit au
sien, & l'enuoya au General de Tilly: elle
portoit.


Qu'il auoit receu ses lettres par vn trompette,
qui les luy auoit apportees de nuict, contre les
formes ordinaires de la guerre; dans lesquelles
il auoit considéré avec estonnement la demande
qu'il faisoit à la Bourgeoisie d'Heidelberg. Que
de verité le General Veer Gouverneur & com-
mandant au Palatinat du Rhin, leur auoit lais-
sé l'administration de leur ville: mais avec ce-
ste clause de ne rien entreprendre, & faire sans
le sceu & consentement de luy Merve Gouverneur

Respōse de
Merve gou-
uerneur de
Heidelberg
au Baron de
Tilly.

1621_033.jpg



1621_034.jpg



34 *M. DC. XXI.*
 rent l'occasion, le temps, & les moyens aux
 Mansfeldiens de s'eschaper de leurs terres, &
 de faire le 23. Nouembre vn pont à Manheim
 sur lequel ils passerent au Palatinat deçà le
 Rhin, & là où ils continuerent leurs rauages
 & pilleries, le soldat ne receuant autre folde
 que ce qu'il pouuoit prendre.

Mansfeld estant ainsi passé, assiegea Dides-
 heim, laquelle il battit de six canons, la prit,
 & la fit piller pour donner vne curée à ses sol-
 dats, puis y mit vne garnison sous la charge
 d'un Prince de Saxe de Lauembourg.

A la premiere sommation qu'il fit au
 Chasteau de Krickveil, le Capitaine luy
 rendit la place, & se mit de son party. De
 là il fit cheminer son armée le long & à mont
 le Rhin, & alla assieger, prendre, & piller
 Lauterburg, où il se logea, faisant estat d'y
 passer l'Hyuer.

Mais Cordoua qui ne desiroit auoir vn si
 proche voisin à Didesheim, fit repasser le Rhin
 à ses troupes, & avec huit mille hommes as-
 siegea & reprit Didesheim à la veüe de Mans-
 feld, qui y estoit accouru pensant l'en em-
 pescher, lequel fut contraint de s'aller cam-
 per à Gemersheim prez Spire; cependant
 que les Espagnols allerent luy enleuer à vne
 lieuë de son camp la petite ville de Hasaloch,
 qu'ils pillerent, & où ils tuerent la plus-part
 des habitans, puis la bruslerent.

Au mesme temps le Duc de Brunsvic
 Halberstat estant avec ses troupes entré par
 la Hesse dans les terres de l'Eslecleur de

Mansfeld
 passe le Rhin
 & près Di-
 desheim,
 Krickveil,


Et Lauter-
 burg.

Didesheim
 repris par
 les Espa-
 gnols,


Et Hasaloc.

May
 iours
 lende
 pren
 tion.
 haut
 de lo
 & tr
 pour
 riots
 riere
 ayan
 dans
 qui
 la p
 haut
 la pl
 gent
 bitar
 trepi
 ment
 maist
 donn
 & la
 C
 pes à
 des a
 Darn
 lées;
 blessé
 entre
 autre
 Gleim

1621_035.jpg



1621_036.jpg



1621_037.jpg

Histoire de nostre temps.

37

par eux vn nouveau serment de fidelité, à fau-
te que lesdits Comtes ne luy auoient rédu les
droits & deuoirs qu'ils luy deuoient à leur
prise de possession.

Ceste Comté de Valdec est au Nort des
pays dudit Landgrave Maurice de Marpurg,
& les terres de Mayence & du Landgrave
Louys de Darmstad luy sont à l'Orient, dans
lesquelles Halberstat ayant faict faire de grâds
rauages (comme il a esté dit cy-dessus) ledit
Landgrave de Darmstad luy enuoya des Am-
bassadeurs avec lettres de plaincte, comme
aussy au Landgrave de Marpurg. Quant aux
lettres de plaincte qu'il escriuit à Halberstat,
elles portoient, Que l'Esleeteur de Mayen-
ce & luy, ayant receu de grands dommages
en leurs terres à cause des passages des gens
de guerre, sa Majesté Imperiale auoit faict
publier les Deffenses generales à ce que nul
Prince n'eust plus à laisser passer aucunes trou-
pes de gens de guerre dans ses terres, sur les
peines portées par les Constitutions Imperia-
les, dequoy il l'auoit bien voulu aduertir, afin
qu'il eust à remener ses gens de guerre en son
pays, sinon qu'il seroit contraint d'armer pour
luy empescher de passer plus outre, & les faire
retourner.

Lettres du
Landgrave
Louys au
Duc Chri-
stian de Brū-
wic de Hal-
berstad.

Halberstad ayant receu ses Lettres, donna
ceste responce par escrit, Qu'autāt que faire se
pourroit ne luy ny les siens ne passeroient sur
les terres, du Landgrave Louys, & bien que lon
luy eust dit qu'il auoit pris vne resolution de
faire armer & courir sur luy & sur ses soldats, il

Responce
d'Halber-
stad.

C iij

Image issue du site mercurefrancois.ehess.fr - Cliché (c) Cécile Soudan